

Sustegnì e promovì divers projects innovativs

Tras la Fundaziun da svilup e perscrutaziun en il Grischun

■ **(anr) 2007 è la Fundaziun per innovaziun, svilup e perscrutaziun en il Grischun vegnida eregida cun in chapital da 30 milliuns ord retgavs extraordinaris da la Banca Chantunala Grischuna.** Quell'instituziun intenda – en collavuraziun cun interpresas da l'economia ed autras instituziuns dal chantun Grischun – da rinforzar e schlargiar il Grischun sco lieu da l'economia, furmaziun e perscrutaziun.

Per questa Fundaziun è l'innovaziun da muntada centrala. Dapi 2008 ha la fundaziun survegnì 66 dumondas per sustegn. Da quellas è vegnì correspundì a 23 (13 pertutgant economia, 5 la scolaziun e perscrutaziun e 5 la cultura e spazi da viver). 32 dumondas èn vegnidadas refusadas ed 11 èn da preschent en elavuraziun.

11 milliuns per 23 projects

En tut è vegnì concedì fin ussa per quels 23 projects 11,25 milliuns à fond perdu. Qua tras han ins pudì crear pli che 100 plazs da lavur, in dumber che po dentant anc vegnir augmentà a basa dal potenzial dà. Fin la fin da 2010 avevan ins pajà ora 7,56 milliuns da la summa concedida. Il chapital da la fundaziun muntava a la fin da l'onn passà anc a 23,92 milliuns francs. – Tar las bleras da las 32 dumondas refusadas

n'èran las premissas da sustegnair tenor l'intent da la fundaziun betg dadas. Ultra da giuditgar tar quels projects segund la creaziun da novs plazs da lavur vegn era mess paise sin il grad d'innovaziun.

Sustegnids vegnan a dretg temp era projects d'interpresas pitschnas e me-saunas (KMU), siond che tals na fissan betg vegnids realisads pli tard. La fundaziun è era positiva vers ulteriurs projects regionals ch'èn d'avantatg economic. Cumplettond la nova politica regiunala da la confederaziun han ins era pudì sustegnair projects sin quel sectur. Ins deploraschia dentant fitg che projects turistics vegnian inoltrads be darar.

Il post central da la fundaziun – mainafatschenta è *Eugen Arpagaus* – sa chatta tar l'Uffizi chantunal per economia e turissem. Quel vegn rinforzà tras in post che ha da s'occupar principalmain cun ils projects.

Sustegni il project da Candinas SA, Rabius

Dacurt han ins preschentà trais projects ch'èn vegnids sustegnids da la fundaziun. Tranter quels sa chatta er il project «Sistem da cumprimer e per transportar biomassa» da la firma Candinas SA, Rabius, represchentada tras *Meinrad Candinas*.